



Siaran
AKHBAR
KEMENTERIAN PERTAHANAN MALAYSIA

MOD.100/2/1/2 JLD 5 (65) 08/07

**TIMBALAN MENTERI PERTAHANAN SANTUNI VETERAN ANGKATAN
TENTERA MALAYSIA DALAM PROGRAM PEDULI VETERAN
DI SEKITAR NEGERI TERENGGANU**

TERENGGANU, 18 Julai 2023 - YB Adly bin Zahari, Timbalan Menteri Pertahanan hari ini telah melaksanakan Program Peduli Veteran (PPV) di sekitar Negeri Terengganu yang turut diiringi oleh Ketua Pengarah Jabatan Hal Ehwal Veteran (JHEV) Angkatan Tentera Malaysia (ATM), Mej Jen Zambery Jefry bin Haji Darus, Pengarah JHEV ATM Cawangan Negeri Kelantan dan Terengganu, Mej Syed Mohd Ifandi bin Syed Jaafar dan Ketua Pegawai Operasi Yayasan Veteran ATM, Lt Kol Azwadi bin Jamian (Bersara).

Dalam program PPV kali ini, YB Adly telah meluangkan masa menyantuni veteran-veteran ATM di sekitar Kuala Besut, Hulu Terengganu dan Ajil. PPV yang dilaksanakan ini merangkumi lawatan kebajikan ke atas veteran ATM serta waris tanggungan yang mengalami sakit kritikal serta memerlukan rawatan. Lawatan kebajikan YB Timbalan Menteri Pertahanan kali ini dimulai dengan mengunjungi balu kepada Allahyarham Shamsudin bin Maidin di Kampung Nail, Kuala Besut iaitu Puan Nor Maizan bin Hussin berusia 58 tahun yang menghidap penyakit jantung, saraf, kencing manis, darah tinggi dan salah satu paru-parunya telah rosak. Balu veteran mempunyai tujuh (7) orang anak yang mana dua (2) orang daripadanya merupakan Orang Kelainan Upaya (OKU). Balu veteran merupakan penerima Bantuan Sara Hidup (BSH) berjumlah RM 300.00 sebulan.

Seterusnya, lawatan kebajikan diteruskan ke rumah veteran ATM iaitu Encik Mohd Junoh bin Mohd Nor berusia 67 tahun dari Kampung Tok Randok, Ajil. Veteran yang merupakan bekas anggota berpangkat Prebet pernah berkhidmat di Batalion Pertama Rejimen Renjer Diraja selama sepuluh (10) tahun dan pernah terlibat di dalam pertempuran pada 21 Februari 1982 di Gubir serta telah ditembak di bahagian dada dan serpihan peluru tersebut masih bersisa di dalam badan veteran sehingga kini. Veteran yang menghidap saluran jantung tersumbat mempunyai tiga (3) orang anak hasil perkongsian hidup bersama isterinya, Puan Nurizan binti Ismail. Veteran yang bekerja di kilang papan hanya mempunyai pendapatan sebanyak RM 800.00 sebulan. Selain itu, YB Adly turut mengambil peluang mengunjungi usahawan veteran ATM yang berjaya di dalam bidang keusahawanan iaitu Leftenan Mohd Azierin bin Mohd Zahari TUDM (Bersara) berusia 32 tahun yang mengusahakan 2 buah Restoran Ikan Bakar, pemborong serta juga pembekal ikan segar di Kuala Besut dan Encik A.Aziz bin A.Rahim berusia 51 tahun yang mengusahakan 2 buah *house boat* di Tasik Kenyir.

Selain bertanya khabar, turut diselitkan penyampaian sumbangan sagu hati dan bakul makanan kepada veteran yang diziarahi serta penyampaian *plaque* penghargaan kepada usahawan yang dilawati.

Pada 13 Julai 2023 (Khamis) yang lalu, YB Timbalan Menteri Pertahanan telah melancarkan Program *Reskilling & Upskilling* Veteran ATM (PRUVET), salah satu usaha Kementerian Pertahanan untuk memartabatkan kerjaya kedua veteran ATM dalam bidang keusahawanan. PRUVET ATM yang dilaksanakan melalui Perbadanan Hal Ehwal Bekas Angkatan Tentera (PERHEBAT), berperanan sebagai pemudah cara dan penghubung bagi menyalurkan insentif keusahawanan.

PPV pula merupakan antara inisiatif madani Kementerian Pertahanan dalam merealisasikan pelaksanaan dan halatuju Kertas Putih Pertahanan (KPP). PPV akan memastikan kebajikan dan kesejahteraan Veteran ATM terus terbela dan sentiasa terpelihara sejajar dengan jasa bakti dan pengorbanan Veteran ATM terhadap keamanan dan keselamatan negara. Melalui program ini, lebih ramai Veteran ATM yang terkesan dapat disantuni bagi mendengar sebarang luahan mereka secara bersemuka. Kementerian Pertahanan beriltizam untuk terus komited dalam mempertingkatkan lagi siri lawatan kebajikan yang akan datang agar tiada Veteran ATM yang tercicir daripada menerima insentif yang disediakan.

Lawatan YB Timbalan Menteri Pertahanan diakhiri dengan sesi dialog bersama sembilan (9) Persatuan Veteran ATM Negeri Terengganu di *X-Army House Boat*, Tasik Kenyir. Pada program tersebut, YB Timbalan Menteri Pertahanan telah turut menyerahkan sumbangan 500 kotak Rahmah kepada Persatuan Veteran ATM Negeri Terengganu untuk diagihkan kepada veteran ATM.

Sebarang pertanyaan berkaitan lawatan boleh hubungi Pegawai Staf 2 Media (Udara), Unit Komunikasi Strategik, Kementerian Pertahanan Malaysia, Mejar Ezrie Hanif bin Yussof TUDM di talian 017-254 0477 atau Timbalan Ketua Unit Komunikasi Korporat JHEV, Encik Muhammad Izzat Siraj bin Mohd Iyas Zainal Ravi di talian 017-965 3755.

-TAMAT-

“MALAYSIA MADANI”

“BERKHIDMAT UNTUK NEGARA”

“PERTAHANAN NEGARA TANGGUNGJAWAB BERSAMA”

Kementerian Pertahanan Malaysia
18 Julai 2023